

Հողագործաց: Ծաղիկեալ ալեօք. եւ փառագարդ  
 ծերոց: Պարկեշտընթաց, եւ ուղղագնաց երիտա-  
 սարդաց: Կատարունամիտ. եւ Հպատակաբարոյ  
 Մանկանց: Երկիւղազարդ. եւ Համեստացոյց Կա-  
 նանց: Եւ առ Հասարակ ամենայն յամենայնի, ի  
 զանազան իրս հետեւելոց. եւ ի պէսպէս գործառ-  
 նութիւնս ընթացողաց: Ըստ իւրաքանչիւր ա-  
 խորժակաց. եւ կարի, եւ բստ աստիճանի. Հաւա-  
 տացելոց ի Տէր մեր Յիսուս Քրիստոս Աստուածն  
 ամենայնի: Ազանց. եւ սերից Արամենականաց  
 Հայկազունեայց:

Քանզի. որպէս երկնային իմացական Քահա-  
 նայապետութեանցն կարգ: որք են եւ երեակ  
 Քահանայապետութիւնք. ունին (բստ Սրբոյն Գիւ-  
 նիսեայ) զառաջին. զմիջին. եւ զվերջին, զի սրով-  
 հետեւ Սրբագան կարգ վերաձայնին. ի Հարկե  
 պարտին ունիլ զառաջին. զմիջին. եւ զվերջին:  
 Որոց առաջինքն՝ միջնոցն. եւ միջինքն. վերջնոցն.  
 մատակարարեալ Հաղորդին զաստուածային Առ-  
 սափայլութիւնն: Որպէս յայտնաբանօրէն Աս-  
 տուածաբանէ Գագաթն Աստուածաբանից. ի դիրս  
 երկնային Քահանայապետութեանցն: Եւ նմա-  
 նապէս եւս՝ որպէս օրէն է աշխարհիս, զի իշխա-  
 նութիւնք մարմնաւորք անդրանցանեն ի Հարց առ  
 որդիս: Եւ եւս՝ որպէս յայտնապէս տեսանեմք ի  
 յանսխալ կարգս գործոյ բնութեան. զի վերինքն.  
 եւ պարզքն. ներագդեն. ի ստորնայինս, եւ ի բա-  
 ղադրեալս՝ զներգործութիւնս գոյացականս: Ըստ  
 այսց օրինի. եւ յաւետագունիւ եւս՝ կարգաւորու-  
 թեամբ, ի Սրբազան Եկեղեցւոջ Համանկատի  
 սփռումն. եւ տարածումն. Առսափայլութեանց, եւ  
 շնորհացն աստուծոյ ի վերնագունիցն. առ ստորնա-  
 գոյնսն. իբրու թէ ի գլխոյն. առ ստորադրեալ  
 անդամն վերահեղեալ: Ըստ արքունի քնարեր-  
 գունին: Որպէս իւղ զի իջանէ ի գլուխ. եւ ի մրուան  
 Ահարօնի, եւ ի մորուացն իջանէ ի զբապանս